

## Morning Dogri (NSD) National News Bulletin 07-03-2025

आकाशवाणी

1. प्रधानमंत्री नरेन्द्र मोदी होरें आखेआ ऐ जे भारत दि'आं उपलब्धियां ते कामयाबियां, आलमी सतह उप्पर सब्बने अंदर मेद दी इक नमीं लोऽ जगा करदिआं न।
2. प्रधानमंत्री नरेन्द्र मोदी होर अज्ज दादरा ते नागर हवेली दे दऊं दिनें दे दौरे पर होंगन।
3. किफायती जेनरिक दवाइएँ गी बढावा देने दे मकसद कन्नै अज्ज मुख्य भरै च जन औषधि दिवस मनाया जा करदा ऐ।
4. एशिया दा सब्बने शा बड्डे साहित्यिक उत्सव – साहित्योत्सव अज्जै थमां नमीं दिल्ली च शुरु होआ करदा ऐ। एह्दे च 700 शा मते लखारी हिस्सा लैडन।
5. अमरीका दे राष्ट्रपति डॉनल्ड ट्रंप होरें मैक्सिको ते कनाडा थमां आए दे समेयान उप्पर 25 फीसद शुल्क लाने दा फैसला इक्क म्हीने लेई अगड़ा पाई दित्ता ऐ।
6. अखिल भारती फुटबॉल महासंघ नै ऐलान कीता ऐ जे साबका भारती कप्तान सुनील छेत्री मॉलदीव ते बांग्लादेश कन्नै फीफा इंटरनेशनल मैचें लेई राश्ट्री टीम च वापसी करडन।

<><><><><><>

### PM Development

प्रधानमंत्री नरेन्द्र मोदी होरें आखेआ ऐ जे भारत दी उपलब्धिएं ते सफलताएं पूरी दुनिया च आसें मेदें दी इक नमीं लैहर जगाई ऐ। उनें गलाया जे अज्ज पूरा विश्व आक्खा'रदा ऐ जे एह् भारत दा युग ऐ। नमीं दिल्ली च इक नीजि समाचार चैनल आस्सेआ आयोजत इक कार्यक्रम गी संबोधत करदे होई मोदी होरें आखेआ जे भारत अज्ज कुल संसारी विकास गी गति देआ'रदा ऐ ते विकास दी बत्ता उप्पर तेजिया कन्नै अगड़ा बधा'रदा ऐ। प्रधानमंत्री होरें आखेआ जे अज्ज भारत बड्डा सोचदा ऐ। महत्वकांक्षी लक्ष्य तैह् करा'रदा ऐ ते असरदार नतीजे देआ'रदा ऐ। उनें गलाया जे पिदके इक दहाके च भारत 5मीं सब्बने शा बड्ढी अर्थबवस्था बनी गेआ हा ते हुन तेजिया कन्नै विकास करदे होई भारत दुनिया दी त्रीह सब्बने शा बड्ढी अर्थबवस्था बनने लेई लगातार अगगे बधा'रदा ऐ। मोदी होरें गलाया जे पिछले 10एं ब'रें च भारत दुनिया दा दूआ सब्बने शा बड्डा स्टील उत्पादन ऐ। दूआ सब्बने शा

बड्डा फोन निर्माता ते त्रीया सब्बने शा बड्डा स्टार्टअप इकोसिस्टम बनियै उभरेआ ऐ। प्रधानमंत्री होरें गलाया जे भारत सौर ऊर्जा क्षमता च शीर्ष 5एं मुख्खें च शामिल ऐ।

<><><><><><>

## PM-Gujrat

प्रधानमंत्री नरेन्द्र मोदी हुंदा गुजरात ते केन्द्र शासत प्रदेशें दादरा ते नगर हवेली ते दमन ते दियू दा दळुं दिने दा दौरा अज्ज थमां शुरू होआ'रदा ऐ। अपने इस दौरें दरान प्रधानमंत्री होरें गुजरात दे सूरत ते नवसारी ते दमन दे सिलवासा च बक्ख-बक्ख प्रोग्रामें च शामिल होंगन। प्रधानमंत्री होर अज्ज बडलै दादरा ते नगर हवेली, दमन ते दियू च 2 ज्हार 589 करोड़ रपे दिएं बक्ख-बक्ख परियोजनाएं दा उद्घाटन ते नीह पत्थर रक्खगंन। मोदी होर सिलवासा च इक जनसभा गी बी संबोधत करगंन। एहदे मगरा प्रधानमंत्री होर सूरत दा दौरा लांगन ते सूरत खाद्य सुरक्षा सरबंधी मुहीम दी शुरूआत करगंन। सूरत च 2 लक्ख शा मते लाभार्थिं गी प्रधानमंत्री गरीब कल्याण अन्न योजना दा लाह दित्ता जाग। कल अंतर्राष्ट्रीय महिला दिवस दे मौके उप्पर प्रधानमंत्री नवसारी च "लक्खपति दीदी सम्मेलन" च हिस्सा लेंगन। मोदी होर 25 ज्हार शा मते आप सहायता समूहें दी 2.5 लक्ख महिलाएं गी 450 करोड़ रपे शा मते दी गारंटी मदाद उपलब्ध करागंन।

<><><><><><>

## Jan Aushadhi Diwas

अज्ज जन औषधि दिवस ऐ। एह ध्याड़ा इस योजना दे बारे च जागरूकता बधाने ते जेनरिक दुआइं दे इस्तेमाल गी बढ़ावा देने लेई मनाया जंदा ऐ। प्रधानमंत्री भारतीय जन औषधि परियोजना दा उद्देश्य सब्बने गी सस्ती कीमतें उप्पर गुणवत्ता पूर्ण जेनरिक दुआइयां उपलब्ध कराना ऐ। अज्ज इस मौके उप्पर रसायन ते उर्वरक मंत्रालय इस पैहल दा समर्थन करने लेई पूरे देश च हफता भर चलने आलियां बक्ख-बक्ख गतिविधिं दा आयोजन करोग।

<><><><><><>

## Sahitya Utsav

अज्ज थमां एशिया दा सब्बने शा बड्डा साहित्य उत्सव शुरू होग जेहड़ा 12 मार्च तगर चलोग। 6 रोजा इस कार्यक्रम दा उद्घाटन केन्द्रीय संस्कृति मंत्री गजेन्द्र सिंह शेखावत होर नमीं दिल्ली दे रवीन्द्र भवन च करगंन। देश दे बक्ख-बक्ख हिस्से थमां 100 शा मते

लखारी 50 बक्ख-बक्ख भाषाएं दा प्रतिनिधित्व करगंन। इस उत्सव च 23 भाषाएं च प्रति शिष्टत साहित्य अकादमी अवार्ड भेंट कीते जांगन। इस कार्यक्रम च तकरीबन 120 सत्र होंगन। इस उत्सव दा विषय ऐ “भारतीय साहित्यक परंपरा”। देश दे बक्ख-बक्ख हिस्सें थमां नोजवान लखारी, महिला लखारी, उत्तर पूर्वी ते जनजातीय लखारी, कवि, मन्ने परमन्ने दे अनुवादक, प्रकाश, लखारीह, कवि ते होर दुए क्षेत्रें दियां मन्नी परमन्नी दियां हस्तियां इस साहित्य उत्सव च हिस्सा लैंगन।

<><><><><><>

Tribal

केन्द्रीय गृह राज्य मंत्री नित्यानंद राय होरें कल नमीं दिल्ली छ जनजातीय युवा आदान प्रदान कार्यक्रम तैहत तकरीबन 200 जनजातीय नोजवानें कन्नै गल्लबात कीती। छत्तीसगढ़ ते ओडिशा दे जनजातीय नोजवानें कन्नै गल्लबात दरान केन्द्रीय मंत्री होरें गलाया जे देश दे उग्रवाद प्रभावत जिलें च विकास दे बड़े मते कम्म होए न।

<><><><><><>

Trump

अमरीका दे राष्ट्रपति डॉनल्ड ट्रंप होरें मैक्सिको ते कनाडा थमां आए दे समेयान उप्पर 25 फीसद शुल्क लाने दा फैसला इक्क म्हीने लेई अगड़ा पाई दित्ता ऐ। ट्रंप होरें मैक्सिको दी राष्ट्रपति क्लाउडिया शीनबाम हुंदे'नै गल्लबात दे मगरा आखेआ जे हाल च गै मैक्सिके दे समेयान उप्पर लाया गेदा आयात शुल्क 2 अप्रैल तगर रोक़ी दित्ता गेआ ऐ। श्री ट्रंप होरें आखेआ जे फिलहाल अमरीका, मैक्सिको ते कनाडा बश्कार उत्तरी-अमरीकी बपार सांझेदारी दे तैहत औने आहले बपार पर नमें शुल्क लागू नेई होडन। सुश्री शीनबाम होरें ट्रम्प हुंदे फैसले दी सराहना कीती ऐ। ट्रंप होरें आखेआ ऐ जे बपार घाटे गी ठीक करियै शुल्क दा समाधान कीता जाई सकदा ऐ।

<><><><><><>

EU

अमरीका आसेआ यूक्रेन गी फौजी मदाद रोक़ी देने दे बाद यूरोपी संघ दे नेताएं कल ब्रुसेल्स च इक एमरजेन्सी बैठक कीती। बैठक च यूरोपी संघ दे नेताएं मुख्ख तौर पर अपनी रक्षा प्रतिबद्धताएं गी मजबूत करने औरते यूक्रेन लेई लगातार समर्थन जकीनी बनाने उप्पर बल



मौसम विभाग नै अरुणाचल प्रदेश, असम, मेघालय, नागालैंड, मणिपुर, मिजोरम ते सिक्किम दे बक्ख-बक्ख इलाकें च गरज-चमक दे कन्नै बरखा बरने दी संभावना दस्सी ऐ। विभाग दे मताबक, अगले 3 शा 4 दिनें दे दरान उत्तर-पच्छमी, मध्य भारत ते गुजरात राज्य च बद्धोबद्ध तापमान च 3 शा 5 डिग्री सेल्सियस दा बाददा होई सकदा ऐ। मौसम विभाग नै कोंकण, गोवा, केरल, माहे, समुंदरी कड्ढे आहले कर्नाटक, आंध्र प्रदेश ते यनम च बक्ख-बक्ख थाहरें उप्पर गर्म ते नमी आहले मौसम दी स्थिति बने दे रौहने दा अनुमान जताया ऐ।

<><><><><><>

## Chess

7में प्राग अंतर्राष्ट्रीय शतरंज महोत्सव 2025 च भारतीय ग्रैंड मास्टर अरविंद चिंताबरम हुंदी डेविड नवारा कन्नै खीरी बाजी झा रेई। तोआई आर.प्रज्ञानंद नै बी लीग क्वांग-ले कन्नै बाजी झा कीती।

<><><><><><>